

LIZALWE NEMILENZE EMITHATHU

ILANGA - 2-4/2017 PAGE 09

PAMELA ZUNGU

BACEBISA ngokuthi kumele libonwe ngudokotela wezilwane izinyane elizalwe linemilenze emithathu eSunshine, eMarianhill, entshonalanga yeTheku abeSociety for the Prevention of Cruelty to Animals (SPCA).

Ongumqondisi wezimakethe kwaSPCA eDurban North, uNkz Lindsay Concer, uthi:

“Kungenzeka ukuthi izinyane lizalwe linenkinga, yingakho lizalwe linemilenze emithathu. Kumele libonwe ngudokotela wezilwane ukuze lizohlolwa kabanzi.”

Umnikazi waleli zinyane, uMnu Thami Gumede (44), uthi unina uwazale emabili. Utshela **ILANGA** ukuthi wethuke woma ngesikhathi ebona ukuthi elinye



ISITHOMBE: SITHUNYELWE

LITHATHE amehlo izinyane elizalwe linemilenze emithathu.

linemilenze engaphelele.

Ubize omakhelwane ukuba

bayombonisa lo mhlola. Akalihambisanga ukuba liyohlolwa ngodokotela bezilwane ngoba abanye omakhelwane bamtshele ukuthi yinhlanhla ukuba isilwane sizalwe nemilenze engaphelele futhi leli zinyane liyahamba, liyancela kalikhombisi ukuba nenkinga.

Uthi uyaqala ukubona into efana nalena selokhu azalwa. “Selokhu ngaba nezimbuzi, ngiyaqala ukubona izinyane elinemilenze engaphelele. Nginezimbuzi ezili-11 noma ezili-12 engizifuyile kodwa akukho ngisho neyodwa eseke yazala izinyane elinenkinga.

Okuhle ngalo wukuthi liyakwazi ukuhamba yize imilenze ingaphelele,” kusho uMnu Gumede.

phumelela@ilanganews.co.za